



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 100. Fœdus Gallos inter & Helvetios

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. AC 1444. tis suorum mille, ac trecentis & amplius captis. Iterata hac clade ingenti Basileensis urbis incolæ, longe majori tamen Patres Concilii terrore perculsi sunt, veriti, ne Delphinus collatis cum Eugenio consiliis, eos, omnesque hujus Synodi socios comprehenderet, captosque abduceret. Quocirca ad hunc Principem suos Delegatos unacum civitatis Oratoribus decernebant, cujus legationis præcipui erant Arelatensis, & S. Calixti Cardinales, unacum quatuor Episcopis, totidem Nobilibus, duodecim Doctoribus, ac pari numero civibus eos comitantibus. Hi omnes Delphinum deprecabantur, ne cum toto exercitu, sed non nisi suis familiaribus stipatus, urbem ingrederetur, vicissim vero pollicebantur, se Austriæ Duci satisfacturos oblatis conditionibus, quas ipse quoque, eo tempore Delphini copiis præsens, gratas ratasque habuit.

§. C.

Fædus Gallos inter & Helvetios.

His ita compositis, exercitus quidem Basilea discessit, fœde tamen agros depopulatus est. Delphinus quinto jam mense in urbe commoratus, concluso cum Helvetiis fœdere, inde profectus est, accepto Regem Nancæi adeundi mandato.

to. Hæ pacis conditiones cum Helvetiis initæ, Encisheimii die vigesima octava Octobris, apposito utriusque partis sigillo, firmatæ fuerunt.

Delphinus, Regem Nancæi conventurus, iter suum per Montis-Belligardi oppidum instituit, interea vero Prezæus Prætor Pictaviensis urbem Metensem obsidione cinxit. Jam septimum mensem tenuerat hæc oppugnatio, quæ unice in gratiam Renati Andegavensis Lotharingæ Ducis suscepta erat. Incolæ, cum Gallos hyemis rigore nequidquam remorante, urbem capere omnino decrevisse cernerent, Nancæum ad Regem alios destinabant Legatos, supplices, ut Rex a cæpto consilio desisteret; cum nullum ipsi jus ad hanc urbem peteret, utpote nullatenus Franciæ Regis dominio obnoxiam.

§. CI.

*Aliud concordiæ pactum cum
Metensibus.*

Minus benigne excepti sunt Metensium Legati, quibus Joannes Rabotavius Regii Senatus Præses paucis respondit, invictis omnino argumentis probari, quod urbs Metensis Galliarum Regum imperio subesset, cujus juris auctoritate nixus Rex eandem sibi tradi juberet. Accepto responso Metenses quantocius alios

H 2

designa-

Sæcul. XV.
A. C. 1444.